

I Bayibuli iye babaana
ikhureerera



Nowa ni
Khuusalasala
khwe kameetsi



Byaronebwa ni: Edward Hughes

Byaloosebwelakho ni: Byron Unger; Lazarus;
Alastair Paterson

Byan'gan'gasibwa ni: M. Maillot; Tammy S.

Byaayusibwa ni: Rev Eridad Milton Shissa

Byaarusibwa ni: Bible for Children
www.M1914.org

©2020 Bible for Children, Inc.

I Layisiinsi: Uli ni buubalaayi khuukoopolola
namwe khuukhupisamwo luukano luno, n'uuba
nga s'uuli khuutsya khuulukulisa ta.




Nowa aaba umusaani
uwisaaya naabi
Wele. Ne babaandu
babaaramile boosi

baabiiyila
naabi
luundi

baamiinyaalila

Wele. Shifukhu
shitweela, Wele
waaloma shishiindu ...



... shishiisindusa
naabi. Kila alomela
Nowa ari, "Intsya
khuuhesa shiibala

shishoonaki

shino

shoosi. Be

muungo

mwoowo ni nawe

mwenyene nibo babaatsya
khuramawo nga baalamu."




Aryo Wele waareewula
Nowa ari, Khuusalasala khwe
kameetsi khutsya khubawo
khwitsuse shiibala
shoosi.



Kila amulakila ari, "Yoombekha
ku Khon'golo khukhwaama mu
kusaala, liliinyala Iyaasuta be
muungo mwoowo boosi, ni biisolo
bibiindi biikali swaa
busa."



Musaambo iyo, Wele
waaha Nowa biilakilo bye
khuutsiilakho. Aryo Nowa
waarakikha khuukhola!





Babaandu baatse-
khelela Nowa,
musaambo isi

aabason-
tsoolamwo
Iwashiina alikho
oombekha likho-
n'golo. Ne Nowa
niye weeloosela ...





... khukhwoombek-
ha. Naluundi
weeloosela

khuub-
oolela

babaandu
bibiihaamba
khu Wele. Ne
mbaawo na mutweela
uwarekeeresa ta!



Nowa niye aaba ni khuufukiilila
khuukali naabi. Niye aafukiilisa mu
Wele abe yakhaba
nga ifula ishiili
khukwatsakakho
ifwaana
iryo
ta.



Lubaluba, likhon'golo
Iyaawa khukhwoombekha
nga Iyooolele khuusuta
byoosi bye
khuutsyamwo.



Khuunyoowa biisolo byeetsa. Wele
waareera musaafu khu bisolo bye
saambo ndweela, ...




... ne bibili bibili khu bye saambo
ikiindi. Binywiinywi bibiili biiboofu
ni neebyo bibiili ...



... bikyeekhe, biisolo biikyeekhe ni
neebyo bibiili bileeyi, byoosi byeetsa
byaniina mwikhon'golo.



Winyoola babaandu baakhupila
Nowa liyoombo ni aaba nga
alikho engisaka biisolo.



Nibo baalekha khwaakamisa
khukhwoonakisa isi Wele ta.
Nashiryo baalekha khuloomba
bari nabo beengile
mwikhon'golo ta.



Lwanyuma lwa byoosi, biisolo
byoosi ni binywiinywi

byoosi
byaba
byeengiile.

Aryo Wele
waalomela Nowa ari,
"Ari wamweene nawe
yiitsa mwikhon'golo.



Iwe wamweene ni be
muungo mwoowo."



Baryo,
Nowa,
umukyelama
weewe, ni
basooleli ...




... beewe bataru, ni
bakyelama baabwe

beengila
mwikhon'golo.
Lwanyuma lwa
byoosi Wele
weekalawo kumulyaango.




Lwanyuma
ifula yaarakikha.
Yakhupa nameeyiriira
inyene, yaanyirisa liiloba
aasi kuumala bifukhu
kamakhumi kane ni
biilo nabyo kane.





Khuusalasala khwe
kameetsi khweekha
khu biriimba ni khu
byaalo. Ifula ni yaakama
khuuroonya, tsinjiingi ...





... natsyo tsyoosi
tsyaba tsyaabiimbibwile
ni kameetsi.
Nashiryō buli shiindu
shoosi shiilamu shaahela.






Karyo kameetsi ni
kaaba nga keelosela
khuuniina, likhon'golo
lyaakelakela khu
ngaaki khwako.
Winyoola manya
mukari mwabamwo
shishiilima shiikali, ...





... manya lyaba
litengaala busa,
manya buli shiindu
shaba shiriisa.
Ne shonyene ndi
likhon'golo
lyabiimbilila Nowa
waalekha khuhela
lwe khuusalasala
khwe kameetsi ta.





Lwanyuma lwe kimyeesi
kiraano kye khuusalasala
khwe kameetsi, Wele
waasiindikha imbewo
ibalakasa
antsye.

Mbolambola,
likhon'golo Iyaaba
nga liikha, ...



A colorful illustration of a landscape. In the top left, a bright yellow sun with rays is partially obscured by a white cloud. The sun's rays are depicted as thick yellow and white beams. In the center, a white bull with curved horns is shown in profile, facing right. The bull is standing on a dark grey ground. To the right of the bull, there is a wooden structure made of brown planks, which appears to be a platform or a base. In the background, there are green hills and mountains. The sky is a solid light blue. The overall style is simple and cartoonish.

... lyeetsa lyaawolela khu njiinji
tsya Araraati. Nowa waarama
mukari kuumala bifukhu
kamakhumi kane nga
kameetsi
ni

kaaba nga
kaweelala.



Lwanyuma Nowa waarumana kikhoolo
ni liwuusi nga bibiirira mwitilisa lye
likhon'golo lilyaba liliikule. Ne
liwuusi ni likhaanyoola aasi
akhubalakafu ekhuwolela ta,

liwuusi lyaakobola
mukari isi Nowa.



Lwanyuma lwe sabiiti ndweela, Nowa
waakhakakho



luundi. Liryo
Liwuusi
Iyaakobola nga
Iyaasutile lisaafu
Iye kusaala ku olivu
khu minwa kyalyo.





Indi lwanyuma lwe
sabiiti ndweela,
Nowa waamanya ari
aantsye aabalakaale
lwekhuuba kwa
luno liwuuusi
silyakobola ta.



Wele waalomela Nowa ari, imbuka
iyo yaba niyo iye khuurura
mwikhon'golo.



Boosi atweela baaruramwo,
niye atweela ni be
muungo mweewe
baarusakamwo
biisolo
byoosi.




Nga Nowa aaba ni khumwikhoyo
kumukali! Isho shaakila
woombekha
shisheeso,
wesaaya
Umukasya
Wele, ...




... Uwamuwonesa niye atweela ni be
muungo mweewe, khukhwaama
isi khuusalasala
khwe kameetsi.





Aryo Wele
waaha Nowa
shiisubiso she
kamaani. Nga
aloma ari

s'aaliilayo luundi
ahese shiibala
ni khuusalasala
khwe
kameetsi, ...



... nga awa
babaandu
shiitaambiso
lwe bibyoonako
bye babaandu ta.

Wele waaha
shiishebuliso
she kamaani
shishiiwaamba khu
shisuubiso shino.



Luufutu
lwaba nilyo
khaabonelo
khe shiisuubiso
shino.



Aryo Nowa ni
be muungo mweewe
baarakikhisa bushaakha
lwanyuma lwe

khuusalasala
khwe kameetsi.



Mu mbuka inyene, babaana
babaama mu Nowa, beetsusa
luundi shiibala shoosi. Biibala
byoosi bye mu shibala
byaama mu Nowa, ni
basooleli
beewe.



Nowa ni Khuusalasala khwe kameetsi

Luukano khukhwaama mu Lomo ya Wele,
I Bayibuli

Inyoolekhana mu

Khuurakikha 6-10

"Biilomo byoowo nga byeenjiile bireera
buwaanga." I Zabuli 119:130



Intasakamwo



Luukano Iwe Bayibuli luno lukhuboolela ifwe bibiihaamba
khu Wele weefwe umukhulu, uwakhubumba ifwe
naluundi uukhukana iwe umumanye niye.

Wele waamanya ari ifwe khukhola bibiindu biibi biikali,
byeesi niye umweene alaanga ari bibyoonako.

Shitaambiso shye bibyoonako nikhwo khuufwa, ne
Iwekhuuba Wele akhukana iwe naabi, waarumana
Umwaana weewe Mutweela Yenyene, Yesu Kristo,
khukhwiitsa khuukhufwiilila khu musalaba, aryo niye
waataambisibwa Iwe bibyoonako byoowo. Lwanyuma
Yesu waalamukha khukhwaama mu bafu weelayo
Mwikulu! Iwe n'ufukiilisa Yesu, waamuloomba
khuukhwiyakhila bibyoonako byoowo, kane ashikhole!
Niye Umweene kane eetse, amenye mwiiwe aluno ari,
ni nawe umenye ni naye biilo ni biilo.



N'uuba nga waafukiilisile uri
buno buli bwan'gali, loma shino isi Wele:
O Yesu, ifukiilisa indi iwe uli wele, ne wekyela
umuundu khuufwa lwe bibyoonako byase, ni na ari
uliwo umulamu luundi. Ari yinjila mu bulamu
bwase, wiyakhile bibyoonako byase, nio inyalise
khuuba ni buulamu bushaakha alunaari, nio lube
lutweela niitse imbe ni nawe biilo ni biilo.
N'unjeete imbe uwuliilisa byeesi uloma, imbewo
khulwoowo nga umwaana woowo. Amiina.

Soma I Bayibuli, ukanikhatsake ni Wele buli
busheelee! Yokana 3:16

